



REPUBLIKA E KOSOVËS  
REPUBLIC OF KOSOVO  
REPUBLIKA KOSOVA



KOMUNA E PEJËS / MUNICIPALITY OF PEJA / OPŠTINA PEĆ

**KUVENDI I KOMUNËS SË PEJES**

**I.Numër: 400-01/14439, datë: 31 Mars 2026**

Në bazë të nenit 11 dhe nenit 12. 2.pika d) të Ligjit Nr.03/L – 040 Për Vetëqeverisjen Lokale të Republikës së Kosovës (“Gazeta zyrtare e Republikës së Kosovës, Nr.28.datë: 04.qershor 2008”), nenit 9 paragrafi 1.7 i Udhëzimit Administrativ nr. 27/2012 MPB – 03/2012 MAPL për Këshillat Komunale për Siguri në Bashkësi, nenit 20 paragrafi 1 pika 1.4. të Statutit të Komunës së Pejës, I.Numër:01-016/01-413431, dt.30 Shtator 2020, në Rekomandim të Komitetit për Politikë e Financa, Kuvendi i Komunës së Pejës, në takimin e mbajtur me datë: 31 Mars 2026, merr, këtë:

**VENDIM**

**Nr. 13/2026**

**Mbi miratimin e Planit të Punës së KKSB-së për vitin 2026**

- I. **MIRATOHET** Plani i Punës së Këshillit Komunal për Siguri ne Bashkësi (KKSB) Pejë, për vitin 2026 në tekst siç u është propozuar anëtareve te Kuvendit me material për takim.
- II. Pjesë përbërëse e këtij vendimi është Plani i Punës së KKSB-së për vitin 2026.
- III. Për Zbatimin e këtij Vendimi do të kujdeset kryetari i Komunës.
- IV. Ky vendim hynë në fuqi 7 (shtatë) ditë pas publikimit në Web Faqen zyrtare të Komunës.

**Vendimi ti dërgohet:**


1x1 Kryetarit të Komunës,  
1x1 Kryesuesit të Kuvendit,  
1x1 Anëtareve të KKSB-së,  
1x1 Arkivë.



**KRYESUESI I KUVENDIT,**  
**Z. Rexhep Kurtbogaj**

KËSHILLI KOMUNAL PËR SIGURI NË BASHKËSI - KKSBB

**Plani i Punës për vitin  
2026**





**Komuna e Pejës**  
**Municipality of Peja**  
**Opština Peć**

**Hyrje**

Këshilli Komunal për Siguri në Bashkësi (KKSB) funksionon duke u bazuar në Udhëzimin Administrativ Nr.27/2012 MPB – 03/2012 MAPL për Këshillat Komunale për Siguri në Bashkësi.

**Plani Vjetor i Punës së KKSB-së**, përcakton objektivat dhe aktivitetet të cilat do të ushtrohen nga anëtarët e KKSB-së në përmbushje të qëllimit të funksionimit të këtij mekanizmi. Ky plan synon që të identifikojë qëllimet, aktivitetet dhe rezultatet, përkatësisht caktimin e përgjegjësive për kryerjen e detyrave të përcaktuara me udhëzimin administrativ për KKSB-në.

**Roli i KKSB-së** në komunën tonë është i rëndësishëm sepse grumbullon shqetësimet e qytetarëve nëpërmjet përfaqësuesve të bashkësive etnike, fetare, sociale, profesionale dhe ato shqyrtohen bashkë me përfaqësuesit institucional të komunës dhe të organeve të sigurisë dhe tentohet të zgjidhen në dobi të qytetarëve.

KKSB në Pejë drejtohet nga kryetari i komunës së Pejës z.Gazmend Muhaxheri në bashkëpunim të ngushtë me komandantin e policisë së Pejës z.Faik Jahmurataj dhe në bashkëveprim të vazhdueshëm me përfaqësues të bashkësive etnike si ajo serbe, boshnjake, rome dhe egjiptiane, përfaqësuesit e bashkësive fetare si ajo myslimane, katolike, ortodokse dhe protestante, përfaqësues të organizatave jo qeveritare, të biznesit dhe ekipe për siguri publike në bashkësi, nën monitorim të autoriteteve nacionale siq është Departamenti i Sigurisë Publike dhe autoriteti i inspektoratit të policisë si dhe të organizatave ndërkombëtare si OSBE, KFOR dhe UN.

Nëpërmjet KKSB-së arrihet të kuptohen shqetësimet e të gjithë qytetarëve në komunën e Pejës dhe të ndërmerren hapa konkret për zgjidhjen e atyre problemeve. Duke qenë të bindur në rolin e rëndësishëm që ka KKSB, komuna e Pejës është në maksimum e përkushtuar që plani i punës së KKSB-së të zbatohet me përpikëri.

Çdo komunë është e obliguar të themelojë Këshillin Komunal për Siguri në Bashkësi. KKSB themelohet me vendim të kuvendit të komunës dhe kryesohet nga Kryetari i Komunës. Mandati i KKSB-së është 4 vite dhe korrespondon me periudhën e mandatit të Kuvendit të Komunës. Në mënyrë që me sukses të kryej misionin e vetë, duke u bazuar në udhëzimin administrativ Nr.27/2012 MPB – 03/2012 MAPL, KKSB duhet të përpilojë dhe ta miratojë planin e punës për vitin vijues. Pas miratimit të planit të punës nga vetë KKSB, plani prezantohet dhe shqyrtohet edhe në kuvendin e komunës përkatëse.

## **Qëllimi i planit të punës**

Këshilli Komunal për Siguri në Bashkësi nuk do të kufizohet vetëm në detyrat e përcaktuara me këtë plan, por do të jetë aktiv edhe në përcjelljen e zhvillimeve të përditshme shoqërore, për t'i identifikuar dhe adresuar problemet e qytetarëve nga fusha e sigurisë së përgjithshme dhe trajtimin e kërkesave të tyre të kësaj natyre

Plani i punës i KKSBB-së ka për qëllim përmirësimin e sigurisë së qytetarëve duke u kujdesur për problematikat të cilat e prekin drejtpërdrejtë jetën e tyre. Plani i punës ofron qartësi në veprim, definon problematikat dhe afatet që do të trajtohen gjatë vitit, paraqet rezultatet e pritura, tregon se kush janë autoritetet përgjegjëse për të marrë masa në zgjidhjen e problemeve.

## **Objektivat**

Duke u bazuar në udhëzimin administrativ Nr.27/2012 MPB – 03/2012 MAPL KKSBB duhet të mbaj së paku 6 mbledhje gjatë vitit. Në këto mbledhje shqyrtohen probleme të cilat synojnë përmirësimin e sigurisë së qytetarëve. Duke u bazuar në këto udhëzime, KKSBB në Pejë për vitin 2026, përveç mbajtjes së 6 mbledhjeve të obligueshme, synon që të shqyrtojë këto çështje të sigurisë:

1. Rritja e vedijësimit të qytetarëve lidhur me natyrën e sigurisë;
2. Monitorimi i vazhdueshëm i gjendjes së sigurisë në territorin e komunës së Pejës
3. Identifikimi i dukurive negative dhe shqetësimeve lidhur me sigurinë publike;
4. Parandalimi i veprimeve të cilat kërcënojnë sigurinë në bashkësi;
5. Ndërtimi i besimit dhe bashkëpunimit në mes të komunës së Pejës, Policisë së Kosovës, forumeve tjera të sigurisë dhe qytetarëve më qëllim të rritjes së sigurisë në bashkësi;
6. Rritja e sigurisë në shkolla në të gjitha nivelet;
7. Mbajtja e evidencave për problemet e shqyrtuara dhe për progresin e arritur në zgjidhjen e problemit;

## **Rezultatet e pritura**

Duke vepruar siç është cekur më sipër dhe duke u përqendruar në objektivat e shënuara mësipër situata do të ndryshojë në të mirë të qytetarëve. Për qytetarët do të sigurohet më shumë siguri në të gjitha fushat.

## ➤ DRAFT-PLANI I PUNËS SË KKSb-së PËR VITIN 2026

Në formë tabelare paraqitet si:

Kategorizimi	Nr.	Temat për shqyrtim	Bartësit	Periudha e raportimit
Gjendja aktuale në Komunë	1	Paraqitja e gjendjes aktuale në Komunë.	Kryetari i Komunës,	Shkurt Prill Qershor Shtator Nëntor Dhjetor
	2	Raport dhe vlerësim mbi çështjen e sigurisë në Komunën e Pejës, rritja e bashkëpunimit me policinë.	Komandanti i Stacionit të Policisë në Pejë,	
Shëndetësia	3	Sëmundjet sezonale dhe masat parandaluese; Fushata për vedijësim shëndetësor Gjendja me barna dhe material esencial në QKMF, QMF, AMF;	Drejtori i Drejtorisë së Shëndetësisë në Komunën e Pejës,	Shkurt
Arsimi	4	Arsimi, gjendja në shkolla dhe situata e zhvillimit të procesit arsimor.	Të raportohet nga:  Drejtorja e Arsimit,	Shkurt Prill Qershor Shtator Nëntor Dhjetor
	5	Siguria në shkolla, parandalimi i përdorimit të substancave narkotike dhe bartja e mjeteve të rrezikshme. Angazhimet në parandalimin e sjelljeve devijuese dhe dhunës në shkollat e komunës së Pejës, me theks të veçantë në shkollat e mesme.	Komandanti i Stacionit të Policisë në Pejë,  Drejtorja e Inspeksionit	
	6	Transporti në viset rurale (bartja e nxënësve).		
	7	Mbikëqyerja e vazhdueshme e lokaleve – kafiterive, veçanarisht ato që ekzistojnë afër objekteve shkollore, ku mundësitë për trafikim me substancë narkotike janë më të mëdha.		
	8	Pajisjet me kamera dhe sigurimi fizik i objekteve shkollore.	Administrata e Përgjithshme (sektori i kamerave)	
	9	Mirëmbajtja e shkollave siguria në dhe për rreth objekteve shkollore. Delikuenca e nxënësve, mbarëvajtja e procesit arsimor nga ana e mësimitdhënësve.	Të raportohet nga DKA, Këshilli i prindërve, Psikologët e shkollave;	
	10	Gjendja e shkollave sipas rezultateve të testit të arritshmërisë për klasat e 9-ta dhe Maturës Shtetërore	Të raportohet nga DKA;	
	Ambienti	11	Mbrojtja e lumenjëve që rrjedhin në komunën e Pejës, mbrojtja e pyjeve dhe ruajtja e ambientit në përgjithësi.	Të ftohen në bashkëbisedim nga zyret përgjegjëse: Drejtorja për Bujqësi, Pylltari dhe

	12	Eliminimi i deponimeve ilegale, mbeturinave si dhe pastrimi i rrugëve Situata në komunë me ndriçim publik, Situata me qenë endacak në komunën e Pejës.	Hidroekonomi, Inspeksionit, Drejtoria e Sherbimeve Publike. Policia dhe këshillat lokale.	Qershor
	13	Prerja ilegale e pyjeve. Gjuetia e paligjshme. Peshkimi i paligjshëm.	Drejtoria për Bujqësi, Pylltari dhe Hidroekonomi, Agjencioni pyjor; OJQ për çështje mjedisore;	Qershor
Mjedisi Urban	14	Fatkeqësitë natyrore, vërshimet, erërat e forta, bllokimi i kanaleve; Gjelbërimi.	Kompania Rajonale për Mirëmbajtjen e Kanaleve; Drejtoria për Bujqësi, Pylltari; Drejtoria e Emergjencës.	Qershor Nëntor
	15	Masat e nevojshme për rregullimin e shtretërve të lumenjëve, kanaleve kulluese, organizimi dhe mbikëqyerja e zhblokimeve të rrjetit të kanalizimit përgjatë rrugëve dhe tokave bujqësore.		
	16	Masat parandaluese dhe sensibilizimi i qytetarëve për pasojat nga zjarri gjatë periudhës së korrje-shirjeve dhe djegieve të pyjeve dhe vërshimeve.		
Siguria	17	Siguria në trafik. Sinjalizimi. Parkingjet - parkimi i paligjshëm i automjeteve, pengesë për lëvizjen e lirë të qytetarëve.	Drejtoria për Punë Komunale dhe Shërbime Publike.  Raport nga Drejtoria e Administratës së Përgjithshme (sektori i kamerave);	Shtator Dhjetor
	18	Sanimi i rrugëve - probleme me infrastrukturën rrugore në disa pjesë (dëmtime, gropa në rrugët e qytetit dhe fshatrave) si dhe Siguria në Komunë me ndriçim publik (Kamerat e qytetit).	Policia e Kosovës;	
	19	Informatë për promovimin e vlerave të multietnicitetit dhe bashkëjetesës në vendbanimet ku jetojnë komunitetet e përziera.	Anëtarët e KKS-së, përfaqësues të komuniteteve;	
	20	Identifikimi i brengave dhe shqetësimeve të qytetarëve .	KLSP-të.	
	21	Siguria dhe kontrolli i produkteve ushqimore.	Të ftohen në bashkëbisedim nga Drejtoria e Inspeksionit dhe AVUK.	
	22	Inspektimi i lokaleve lidhur me respektimin e ndalesës për pirjen e duhanit.		
	23	Shitja/Blerja e ushqimit të përditshëm, prodhim i pakontrolluar, datat e skaduara të prodhimeve.		
	24	Marrja e masave parandaluese për mënyrën e përdorimit të mjeteve		

		piroteknike gjatë festave të fundvitit.		
<b>Të Drejtat e Njeriut</b>	25	Riintegrimi i personave të riatdhesuar. Projektet për kthim dhe riintegrim të të kthyerve si dhe stabilizim të komuniteteve.	Të ftohet në bashkëbisedim Institucionet relevante, - Zyra Komunale për Komunitete dhe Kthim IOM dhe organizatat tjera që e trajtojnë këtë çështje.	Dhjetor
	26	Mbrojtja e qytetarëve në nevojë për shërbime sociale dhe familjare si dhe mbrojtja dhe ofrimi i shërbimeve për viktimat e dhunës në familje deri në riintegrim të viktimës. Mbrojtja e personave të cilët privohen nga të drejtat themelore; Lëshosh-kërkuesit – parandalimi i lypsarëve me theks të veçant fëmijëve;	Të ftohen në bashkëbisedim institucionet relevante, Drejtoria e Mirëqenies Sociale; si dhe OJQ-të që merren me çështje të dhunës në familje.	Dhjetor

### **Përmbledhje**

Në këtë plan të punës janë paraqitur informacione për KKSBB-në, aktet që e rregullojnë veprimtarinë e saj. Po ashtu është paraqitur qëllimi i planit të punës, objektivat e planit, aktivitetet që do të ndërmerren nga anëtarët e KKSBB-së për t'i arritur objektivat si dhe janë paraqitur rezultatet e pritura dhe afatet kohore.